



**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ  
ԳԵՂԱՐՔՈՒՆԻՔԻ ՄԱՐԶՊԵՏ  
ԿԱՐԳԱԴՐՈՒԹՅՈՒՆ**

N 340-Ա

17 դեկտեմբերի 2018 թ

**ՀԱՆՁՆԱԺՈՂՈՎ ՍՏԵՂԾԵԼՈՒ ՄԱՍԻՆ**

Ղեկավարվելով «Կառավարչական իրավահարաբերությունների կարգավորման մասին» Հայաստանի Հանրապետության օրենքի 16-րդ հոդվածի առաջին մասի և 19-րդ հոդվածի դրույթներով

**կարգադրում եմ՝**

1. Համաձայն Հայաստանի Հանրապետության տարածքային կառավարման և զարգացման նախարարի 2018 թվականի նոյեմբերի 30-ի 03/15.1/9501-18 հանձնարարականի և Հայաստանի Հանրապետության ազգային վիճակագրական ծառայության ծրագրի՝ 2019 թվականի հունվարի 1-ի դրությամբ Հայաստանի Հանրապետության Գեղարքունիքի մարզի բոլոր տնտեսություններում և գյուղատնտեսությամբ զբաղվող առևտրային կազմակերպություններում առկա անասունների համատարած հաշվառումը կազմակերպելու և իրականացնելու համար ստեղծել հանձնաժողով հետևյալ կազմով՝


- |                  |   |   |
|------------------|---|---|
| Համբարձումյան Հ. | - | մարզպետարանի աշխատակազմի գյուղատնտեսության և բնապահպանության վարչության պետ, հանձնաժողովի նախագահ                                       |
| Բաղայան Հ.       | - | «Ազգային վիճակագրական ծառայության Գեղարքունիքի մարզային գործակալության տնօրեն /համաձայնությամբ/   |
| Ավագյան Ս.       | - | «Անասնաբուժասանիտարիայի, սննդամթերքի անվտանգության և բուսասանիտարիայի կենտրոն» ՊՈԱԿ-ի Գեղարքունիքի մասնաճյուղի տնօրեն /համաձայնությամբ/ |
| Մելքոնյան Ս.     | - | «Գյուղատնտեսության զարգացման մարզային հիմնադրամի ղեկավար /համաձայնությամբ/  |

Հանձնաժողովի կազմում ընդգրկել մարզի համապատասխան համայնքների ղեկավարներին /համաձայնությամբ/:

2. Հայաստանի Հանրապետության Գեղարքունիքի մարզի տարածաշրջաններում անասունների համատարած հաշվառումը կազմակերպելու պատասխանատվությունն ըստ տարածաշրջանների դնել մարզպետարանի աշխատակազմի ներքոհիշյալ մասնագետների վրա՝

- Շահբազյան Հ. - մարզպետարանի աշխատակազմի գյուղատնտեսության և բնապահպանության վարչության պետի տեղակալ, Ճամբարակի տարածաշրջան
- Պետրոսյան Մ. - մարզպետարանի աշխատակազմի գյուղատնտեսության և բնապահպանության վարչության գյուղատնտեսության բաժնի վարիչ, Վարդենիսի տարածաշրջան
- Բաղեյան Ռ. - մարզպետարանի աշխատակազմի գյուղատնտեսության և բնապահպանության վարչության գյուղատնտեսության բաժնի գլխավոր մասնագետ, Մարտունու տարածաշրջան
- Մարգարյան Գ. - մարզպետարանի աշխատակազմի գյուղատնտեսության և բնապահպանության վարչության գյուղատնտեսության բաժնի գլխավոր մասնագետ, Սևանի տարածաշրջան
- Զրադացպանյան Ա. - մարզպետարանի աշխատակազմի գյուղատնտեսության և բնապահպանության վարչության գյուղատնտեսության բաժնի գլխավոր մասնագետ, Գավառի տարածաշրջան
3. Հանձնաժողովին՝ Հայաստանի Հանրապետության Գեղարքունիքի մարզի տարածաշրջաններում անասունների գլխաքանակի հաշվառման աշխատանքներն իրականացնել 2019 թվականի հունվարի 1-18-ը:
4. Սույն կարգադրության կատարման հսկողությունը վերապահել Հայաստանի Հանրապետության Գեղարքունիքի մարզպետի տեղակալ Անուշավան Ղազարյանին:
5. Սույն կարգադրությունն ուժի մեջ է մտնում ստորագրման պահից:

ՄԱՐԶՊԵՏ՝



Գ. ՍԱՆՈՍՅԱՆ  
ք. Գավառ